

中國地方志集成

江蘇府縣志輯 (29)

光緒丹徒縣志(二)

江蘇古籍出版社 ● 上海書店 ● 巴蜀書社

丹徒縣志序

渡大江而南則鎮江府當其衝鎮江府之領縣四而丹徒縣為之甲其地形勢雄峻川原既塞上則控引荆襄下則屏蔽吳會誠東南鎖鑰也

國家特設滿洲營駐防其地領以副都統豈非以其為南北往來之夷庚所

丹徒縣志序

繫尤重哉往者粵逆之亂賊蹤徘徊江介無堅城獨丹徒一隅支拄烽火戎馬之間雖備經蹂躪猶得以孤軍轉戰與海上師相犄角遂以蕩定烟霾膚公迅奏其得地利如此自甲子至今又十餘年所兵休養生息元氣漸甦前撫軍丁公有江蘇通志之

請檄下郡縣具新志備采葦光緒戊

寅丹徒以葉束上并徵序於余夫郡

邑之有志猶國之有史也史者一代

之事述自禮樂制度以及政治得失

人才盛衰觀之可以衡鑒而取資志

者一邑之掌故凡疆域山川民風物

產固入境者所必知即鄉黨賢達官

丹徒縣志序

師治蹟以及藝科疇行陳迹故居按

籍以求非志異屬況咸同之際京口

士卒扼賊咽喉聯南北軍為一遂以

旋軋轉坤佐

中興不世偉業後之言兵事者藉以鏡治

忽之微作忠義之氣然則斯志也豈

僅為朱方舊邑鐵甕古城徵文考獻

云爾哉丹徒舊志訖於乾隆相距雖
未百載中經兵燹人文散落網羅放
失編纂為難諸君子之為是書當必
求其信今而傳後之人取而證曰
某、當法某、當戒見於斯志不誣
也如是庶於人心風俗不無少裨矣
乎是為序皆

丹徒縣志

序

三

光緒五年歲次己卯閏三月

欽命護理江蘇巡撫江蘇布政使司布政
使勒方鐸撰

重修丹徒縣志序

丹徒舊志修於嘉慶八年其時
民安物阜海波不驚視今之丹
徒固有間矣巡道備兵京口以
揚由關故常駐維揚歲僅一二
至焉自咸豐十一年通商以柔

丹徒縣志

序

遠人設關稽徵濱江立租界中
外萃處巡道遂移駐於是是固
前之所不侔也道光咸豐同治
間疊遭兵火殺身以成仁者指
不勝屈臺榭而瓦礫者目不忍
觀戰壘礮卡因時制宜陸營水

軍因地設險亦有前所不盡然者余於光緒元年承乏於此宋風問俗默計時局追想多艱幸際昇平固以脩志爲急務同治癸酉奉大吏檄飭縣舉行於是聘呂太史耀斗總其成擇邑之

紳耆分其任閱七年而告成於前之所不侔與不盡然者固已幽光無不發而建制無不備矣至於便民河之復濬北固山之築隄余與守若令共成之將以告後之來者使無廢也 先大

夫手書鶴銘一冊刊石焦山亦登之竊欲藉是不朽耳刊旣成守令以序請於是乎書

光緒五年十月吉旦分巡常鎮通海兵備道大興沈敦蘭序

重脩丹徒縣志序

鎮江形勢扼要爲東南之鎖鑰
余以辛未之夏來守是邦愛其
山川風物之壯麗而邦之人亦
安予之拙也嘗以郡志歷久未
脩思欲探纂前記勒爲一書

丹徒縣志

一

材膚受未能爲也倚郭之縣曰
丹徒衝繁倍他邑號稱緊望歲
在癸酉仁和何君嘯賡攝縣事
簿書之暇有志於邑乘禮聘才
俊設局纂修歷更數令始見成
緒會余奉調雲間觀察大興

沈公與陽湖呂庭芷太史裁定
之折衷至當爰登梨棗今歲己
卯余重蒞鎮江剗剗適將竣邑
紳徵序於余余方樂觀厥成雖
不文又奚辭古者圖經上於天
府故志以道一方之政事非可

丹徒縣志

二

苟焉已也丹徒志自嘉慶初重
脩後迄今八十餘年其間建置
之沿革制度之損益戶口之消
長風俗之盛衰既有異於前况
經兵燹之餘人事歧出而欲蒐
羅補苴罔有遺失誠非易易是

書爲目十爲卷六十門分類別
擇精語詳上足以備內外史之
採擇下足以爲長民者之所考
鏡可不謂善志與覽是編也周
知物土之宜因地因時次第布
之以仰副

丹徒縣志

三

聖天子訓俗型方至意竊願與賢邑

宰共勉之也

光緒五年十月吉旦知鎮江府

事趙佑宸序

康熙志序

聖天子廓清區宇鼎治重熙念一統志以經畫軍務未遑成
書茲四方清晏文教誕宣宜亟事纂輯俾各貢俗陳詩
得以周知民隱爰

下令郡若邑之未有成志者咸修輯以進臣天鍾備員丹徒敢不對揚

休命謹考徒邑舊乘自故明崇禎初修輯後仍沿至今世
湮年遠字盡魚剝落不可復辨先代典故既難稽核而
我

朝鼎新創制數十年來山川由變而定規制由廢而興戶口
由耗而登賦役由淆而理人才政績由衰而盛倘蒐討

丹徒縣志序

未盡考核未精其何以仰副我

皇上徵文考獻至意臣因博採舊聞廣稽新典辟咎諸鄉搢
紳賢士大夫咨諏耆民故老分類畢搜俾無遺闕聘延

邑名儒何生張程生世英加意考訂抒寫翰藻閱兩月
纂輯成志竊見京口爲海江門戶北接淮濟達

神京西扼江楚上游而下通東南漕輓數百萬金錢財賦

咽喉命脈誠天下重地車馬絡繹冠蓋蟬聯邑是土者
供役奔走碌碌同牛馬卽欲偷寸晷爲徵輸計不可得
又何暇濡豪摘翰宜乎邑志數十年勿修也今天下大
定師行簡少錫秣供給得稍偃息而孔道驅馳亘古不
改且旗兵重鎮修築時有加以頻歲災侵歷年遭賦衣

食計艱易滋充竊司牧者催科撫字均無所展其才力
徒令之苦實冠江南諸邑臣自視事來固無日不望譴
責之至也維念臣既膺爵祿何敢畏難辟強苟自容免
以負

國負民思徒邑所最患者莫如兵車往來驛遞供應橫索
之無藝惟按額支給不敢累擾窮黎以容悅豪強至若
久駐兵廝多比伍土著奸猾害我良民邇來亦稍自戢
翼更思窮民疲困率由賦役不均先請禁自運圖中使
無所規避然大不利於勢豪巨室區摘過清催輸過嚴
則諱諱日滋願臣清夜伏思使果有利於

國有利於民雖身就鼎鑊尚不遑恤區區一官何足顧戀

丹徒縣志

序

二

惟是分年緩徵未獲舉行坍江浮賦未獲卽除耿耿私
懷日夜靡釋且徒民最苦者每歲濬河一事年寒力役
胼胝碎裂胥里賸突婦孺無甯而歲費資錢數萬千又
其餘者然大抵皆歷來有司奉行故事民力雖耗無補
涓埃臣欲悉從釐剔兼請協濟爲計永逸而才力勿勝
徒厯中懷至於風俗未醇獄訟講張城社狐鼠時時見
告教化不行實維職愆統計臣待罪徒邑僅歷三時而
勢豪怨焉胥隸怨焉城闕之子矜怨焉駐鎮之兵將怨
焉以至行道之冠蓋戍還之征人亦咸怨焉其有一二
事稍稍爲閭閻小民所觀望禱祝者而又徒託之空言
不克見諸行事翻閱志乘中所載循臣良吏業著當時

而啓施迄今彼獨異人任平而克自奮厲若此用誌簡
端以俟觀風問俗知我而罪之者豈

康熙癸亥九月吉旦江南鎮江府丹徒縣知縣臣鮑天
鍾謹序

丹徒縣志

序

三

嘉慶志序

郡邑之有專志著自北宋其前靡聞吳郡圖經續記而後若陳壽老赤城志袁伯長四明志康德涵武功志韓汝慶朝邑志皆以一邦之耆舊探羣籍之纂記身兼文獻義恭桑梓用能詳覈謹嚴比隆史家垂爲軌式今丹徒縣志條理精審不失古法毋亦由秉筆者爲其邑之士大夫且歷三十年之久而成故善而可信歟然范致能吳人也撰吳郡志郡人冀願勝茂周南贊成之時有求附於籍不得者相與騰謗謂書不出范手遂廢不刊行夫以鴻文宿望如致能諸公而不免爲鄉人所疑議則甚矣作志之難而是志之成爲可幸也今年春余奉丹徒縣志

序

恩命總制兩江將驛諸府縣修輯舊志以備職方氏之掌太史之陳是志既成余因而覽焉丹徒在古爲重鎮或以封國或以置帥偏安之代或於是建都或僑置北府今率土一家

聖澤

濡洽在德不在險然山川峻深稔嘆南戒親軍戍守鏢鎗北戶於兩江究爲巖邑則夫漕賦之輸運商貨之輻輳與夫風俗之良莠吏治之善敗戶口之豐耗學校之興替物產之饒乏渠堤驛候之修廢名區勝蹟靈境之存湮古所以失今所以得者皆守令所宜周悉大吏所宜考鏡而區畫者也然則是志雖成於其邑之士大夫而實在官司者其敢或忽夫郡邑之著在於人文人文

宸翰

之盛由於教化教化之職則良有司及其鄉先生任之余於是願與守土之官董率於上著籍之賢薦誘於下且因是志而講明施設申畫慎固補其偏失而舉其廢墜以勸人倫勵民俗揚地德制物宜是一邑之志實裨一邑之政福一邑之人鄰疆遠域亦有所觀感有所則倣焉是士大夫眞有大造於其鄉官是邦者亦無忝於其職也將是志之所謂善而可信者又豈徒備一方之職志資後來之采覽云爾哉志凡四十七卷冠以宸翰次分十門列目六十附目五守令請序而采之於是乎書

嘉慶十年乙丑冬月

丹徒縣志

序

二

太子少保兵部尚書都察院右都御史總督兩江梅芥鐵保序

嘉慶志序

郡邑之有志猶

國之有史也職司者當事無弗備備無弗嚴凡土地賦役水利兵農諸大務有裨於實濟者固爲首急他如丁男戶口系民生之盛衰學校科名闢文運之升降忠孝節烈則知爲善者勸惡者懲風俗吏治則知其政之舉化之行其餘特附見耳雖書不勝書一有闕畧卽無以備朝廷採風經野之資夫豈細事也哉所以必掌之於守令訂之於院司非一人之私言也吾徒邑邑志之不修百二十餘年矣文獻將湮沒無徵邑之士大夫深悼之乾隆丙戌歲乃請於邑宰貴公並公舉蔣中翰宗海秉其丹徒縣志

序

筆修廢起墜考核舊志而詳加釐正焉等亦得與於勸贊之舉於是蔣公白於邑宰曰聞昔修志之例每延他處士君子主之邑之人不與焉別嫌疑絕請託也是舉也某得躬逢斯盛敢不竭其誠將何以別嫌疑絕請託乎失勢者則見其請託不行必怨怒則流言佈有力者則見其請託不行必怨怒則銜恨深躍台反側其勢不撓至於無成而巳雖自許比潔秋霜又誰予之信也邑宰曰諾於是擇日集閭邑紳耆於明倫堂矢慎矢公爲文禱於

上蒼俾得神人共明此心也迨於乾隆庚寅歲領鄉薦後宦遊四方二十餘年乙卯歲以終養歸里適蔣公捐館

詢所修志其嗣君以未成對余乃慨然欲終初志竊計

才力疎陋一難也工費浩繁二難也二難并余甚憂之幸邵君光國勸事不倦復慷慨捐修費以抒予憂而又幸王太守文治張太守明謙張君峯俱在籍共匡其不逮相與旁蒐博采訂譌補闕始得詮次成帙雖不敢謂不漏不支有典有則亦可謬云意簡而該言純不雜矣後之人倘按籍而求山川風物勝迹人文瞭然猶示諸掌也且立言以昭垂來者所賴酌古始可以準今信今始得以傳後兢兢焉惕惕焉庶幾得與史乘國典相爲映發可也況備員太史用敢宣揚

聖朝之休烈豈特維桑與梓必恭敬止而已哉今書已成俟

丹徒縣志

序

二

詳請院司以付剞劂此又守令之責銘不敢問第前後秉筆皆係鄉人而有昧於蔣公之言謹述其顛末以代序

嘉慶八年歲次癸亥八月邑人茅元銘謹

嘉慶志後序

癸亥之春予署丹徒篆既蒞事檢閱舊志爲康熙癸亥
前令鮑公纂輯距今百二十年徒屬江南衝要名山大
川前輩流風昭然史冊其功紀太常文勒鐘鼎代有其
人地邑民居世有沿革不有繼舊章修而明之者缺典
也旣而紳士以未刻續修縣志進且語余曰此鄉前輩
蔣春農先生所輯其法以康熙甲子至乾隆六十年乙
卯爲斷屬辭比事有條不紊世風之興降人物之盛衰
又折衷於宋元諸記載視舊志加詳焉未歲業而卒王
夢樓侍讀張嘯坡太守續纂成之其經費出入則鄉之
公正耆紳鄉模齋偕同志理之始終其間而志稿遂定
丹徒縣志

序

一

此新徒志之顛末也望加之訂證以付剞劂於戲盛矣
夫莫爲之先雖美弗彰莫爲之後雖盛不傳春農先生
以博洽之學濡春秋之筆進退損益一秉至公詩曰維
桑與梓必恭敬止其先生之謂歟真無愧於儒林矣夢
樓先生暨嘯坡太守皆文苑之傑出亦物望所共推服
者也惟是鮑前令序爲康熙癸亥事隔百二十年而新
志之成予適承乏此邑遙遙相望若合符節雖鮑序之
所謂疲於奔走困於供頓繁於獄訟者今變而加厲所
不恤也他日名賢繼起徵文考獻不歸墨吏此則予可
自信并可信繼春農先生而秉筆者也爰質言之以書
於後

嘉慶九年歲次甲子春三月知丹徒縣事南昌萬承紀
譔

丹徒縣志

序

二

光緒五年重修丹徒縣志纂輯姓名

鑒定

欽差大臣

頭品頂戴兵部尚書兼都察院右副御史管理沈葆楨

兵部侍郎兼都察院右副御史江蘇巡撫部院吳元炳

江南蘇松常鎮太倉等處承宣布政使司布政使方鎔

江南蘇松常鎮太倉等處承宣布政使司布政使譚鈞培

江蘇等處提刑按察使司按察使統轄全省驛傳事務許應鑾

布政使銜分巡常鎮通海兵備道沈敦蘭

鎮江府知府趙佑宸

江蘇候補知府楊靖

補用府即補直隸州知州前署丹徒縣知縣何紹章

丹徒縣志姓氏

補用府即補直隸州知州丹徒縣知縣馮壽鏡

總纂林院編修呂羅斗

總校江府學教授陸希文

監修五品銜丹徒縣學教諭王蘊華

原任丹徒縣學訓導夏均轍

署丹徒縣學訓導周家祿

丹徒縣學訓導唐錫榮

勸捐委員

知府銜即補直隸州知州江蘇候補縣知縣馬海曙

分纂協修

候選復設教諭截取知縣舉人楊履泰

候選訓導貢生顏錫名

五品銜江西補用知縣廩貢生羅志讓

深水縣學訓導舉人李宗元

舉人唐秀森

分修兼校對

生員鮑上宗

經修

府同知銜生員柳森霖

丹徒縣志姓氏

同知銜候選知縣生員陳秀鍾

採錄校對

廩生周伯義

監生解為幹

生員李恩綬

生員鮑汝舟

生員趙承廩

生員張景江

生員柳森瑩

生員唐登廷

廩生趙西彝

貢

生張炳炎

生錢葆森

員李濬昌

員李贊猷

員吳述彬

生包祖同

人茅同晉

員趙鍾銓

員奎照

員柳泉

事李遐祥

三

六品銜分省補用鹽知事

稽核檔案

書

書

識石湖

識王永隆

康熙二十二年重修丹徒縣志姓氏

纂修 知縣鮑天鍾

校閱 教諭余潛飛 訓導張機

參訂 在籍官紳張九徵 在籍官紳宣重光

撰輯 在籍官紳卞士宏 在籍官紳張仕可

生員何聚 監生程世英

丹徒縣志 姓氏

嘉慶八年重修丹徒縣志姓氏

總纂 知縣貴中孚

知縣萬承紀

監修 教諭胡日琇

教諭顧堃

訓導孫露

訓導張大中

纂修

內閣中書蔣宗海

詹事府茅元銘

雲南臨安府知府 王文治

江西吉安府知府 張明謙

布政司理問張銓

協修

江西龍泉縣知縣 張廷詠

震澤縣訓導孫焯

安徽甯國府知府 魯銓

浙江奉化縣知縣 胡培

安徽潁州府教長 馮錫宸

候選教諭劉植

舉人韓璟

舉人韓芬

丹徒縣志

姓氏

二

武英殿校錄舉人 鮑文達

生員郭恒

校閱

舉人蕭文英

舉人王湜

生員楊哲人

生員張秉鈞

生員何菁

生員蔣穩

童生陳星

布政司理問嚴士榜

生員張深

生員鄒錫純

丹徒縣志凡例

嘉慶志云丹徒古稱名地紀載甚多如南徐州記京口記丹徒書大觀祥符諸圖經俱不傳其後則潤州類集京口集續集潤州先賢傳書舊傳之類存者亦復寥寥郡志自宋元以來屢經修輯明永樂後諸刻尚有傳本至縣志則正德間知縣事李東臬舉人楊宛諸生潘浩毛文彙纂成書四卷楊文襄一清序之雖體裁謹嚴未免太簡崇禎七年知縣事張文光僅據舊板增入選舉題名餘如故

國朝

康熙二十二年知縣事鮑天鍾與邑諸生何聚程世英重修爲十卷卷帙較加繁富事蹟雖增未盡典雅

丹徒縣志凡例

一

且引書不載書名無從核實今博考前聞重加釐定缺者補之訛者正之搜討之艱矧於創始云云由今考之其所定十志各門類中亦有遺漏說舛簡略之處且事蹟截至乾隆六十年止自嘉慶以來八十餘年續纂正復不易茲據其本而訂正增續之爰發凡起例如左

一我

朝慶舉

巡方盛典

聖祖仁皇帝

高宗純皇帝

翠華所佐聯額詩章光昭萬世嘉慶志以
宸翰冠於卷首今敬遵之

一江南通志大目凡十曰輿地曰河渠曰食貨曰學
校曰武備曰職官曰選舉曰人物曰藝文曰雜類
每志又各係以子目嘉慶志因之惟並河渠於山
水而分驛傳自爲一志今案會典驛傳隸於兵部
例應並入武備河渠則漕運所關且與大江之發
源注海者迥異是不如一從通志爲得至於子目
不必盡同亦因地因時而爲之耳

一輿地建置沿革嘉慶志酌載盡善今仍之星野增
入天度疆域增入道里皆憑實考

丹徒縣志 凡例

二

一封建舊入輿地考歷代各史皆無此例今改爲封
爵移入職官志之前庶合史例

一山水舊合爲一今分三類山爲一類凡嶺洞石岡
麗於山者皆係之共在山之道院僧庵俱歸寺觀
附山之樓臺亭閣俱歸宮室川爲一類凡屬大江
沙洲等類皆係之河渠依通志例別爲一志凡各
水利皆係之

一風俗一門附入歲時農諺蓋古者歲時有記農諺
多入經傳注疏弗可畧也

一城隍自古迄今代有興廢今詳加考覈遠者紀其
原委近者記其繕修均州丈尺於下亦效前賢成

法非好新也

一廨舍卽舊志公署今昔建置不同俱應詳於其下
橋梁之名改爲關津凡關渡開堰遠邇各橋皆入
其內坊表亦有增益

一古蹟一門皆細加考訂附以金石考較前爲詳
一陵墓一門補其所遺增其未備其墓志神道碑文
舊志例不登載然有古人傳世之作豈容湮沒今
擇其尤錄於其人墓下以傳不朽

一壇壝廟祠寺觀宮室諸門今無所增但多寢廢乃
依舊志或詳遷改或考廢興各係於下其近日有
沐

丹徒縣志 凡例

三

聖恩勅立專祠者敬謹登之以俟興建

一食貨各目大關國計民生而蠲租賑粟仰沐

聖恩之歲尤宜謹誌舊志以郵政列於田賦之先允稱敬恪
今題而書之開有兵燹後官楮難稽者標於其下
以昭核實其戶口田賦徭役倉儲鹽政漕運鹽法
八十年來各有變易皆詳稽冊照錄無訛

一物產一門康熙志採至五百餘種嘉慶志僅存三
十五種云是徒邑專產今詳其所錄亦不退引證
一書一詩以歸美徒邑而已夫物類雖多各邑所
同產然皆僅志專產則其共產者當入何志是無
怪乎黍稷稻粱亦滋後人之紛辨也况吾邑所產

多有足資考證者今仍備錄康熙志間有增益分類辨訂以備參稽

一嘉慶志云學校所以育材書院之設相爲表裏今仍其舊而續補其廢興並增其所未備

一兵制歷代更變載在史書詳於舊志今仍之而易名武備我

一自八旗駐防及水綠各營汎嘉慶志載至乾隆六十年止今移牒各營俱奉覆到按文續纂水師城守俱有遷移惟旗營無所增損其營紳纂成八旗志今另刊成冊

一設官古今異制嘉慶志撰爲歷代官制表載於職丹徒縣志凡例

官之首眉目極清率貳教職各官今皆列爲橫表其有政績卓然者紀入名宦舊載人物志中今改入職官之後

一選舉一門薦辟最古故列於科目之首科目文武同載副貢列入鄉科亦舊例也恩拔優歲各貢俱列於前至例貢監人數太多不勝其錄舊所錄者仍之今惟載其既登仕版及已分部省者又舊志無壽榜及重宴鹿鳴重遊泮水三則今增於後一嘉慶志有勳衛一門循前明舊稱也今之廕官既不隸於衛籍則與舊目名實不符故易爲廕襲而與封贈合爲一卷

一壽民鄉飲向附尚義今增五世同堂一條別立者頤一門附封廕後

一嘉慶志云人物一門開發幽潛激揚品類關係至重凡爲立傳務必採之正史參以羣書大抵有刪節而無增改仍注書名以備參考至近代人物事蹟卓然尙未臚於典冊者志乘不詳恐就湮沒秉筆者自應爲之撰錄倘有以私好私惡妄加軒輊者上則矢諸神明下以質諸後世按此論甚允今循其說於各門應補者補之應續者續之其採自何書者俱注書名於下

一名賢以表前徽宦蹟以昭仕蹟舊志列名臣於名丹徒縣志凡例

宦之次今名宦移入職官而通志之目則於名臣稱名賢今改從之宦績仍從舊例

一儒林文苑等目舊志皆有之通志人物志內亦然

是志書本有此例今仍其舊

一幸義分爲兩目隱逸止於前明皆嘉慶志舊例今亦仍之

一我

朝道光咸豐同治年間本邑類惟兵革士民死於義憤者指不勝屈今爲傳表各一卷而更舊志忠節爲忠義以並入之

一釋道俱稱方外各錄其尤其文詞可觀者亦得收

入藝文

一嘉慶志分列女爲三卷凡婦女之以烈死者與宮閨賢孝守貞同爲上卷而分完節諸婦爲中下卷以才藝附於下卷之末兵燹後婦女之以烈死者甚衆又自道光朝

恩准節婦策

旌故完節亦視前較倍今重爲釐定附才藝於賢孝之

後爲一卷其烈死者分爲三則曰節烈貞烈義烈

爲一卷義烈表一卷完節傳表四卷共成七卷

一列女傳中康熙志所載原不免於繁冗嘉慶志力

圖省約刪削過多或遂沒其事迹此次大增修凡見

丹徒縣志

凡例

六

於康熙志者皆首列之縱有刪節要以不失其實

爲主餘各傳志亦然

一忠義節烈有人非本邑而事在本邑者舊有備書

之例但與本邑人物連篇書之不復爲之別出眉

目未免不清今並列於各篇之後而加附錄字以

別之

一藝文一門嘉慶志列入碑目康熙志則以碑碣入

輿地按碑碣必有建立之處入輿地乃允今改從

之

一書目舊分經史子集四類今仍之至續纂詩詞文

賦則略於遊覽而詳於紀事凡文之足資考證者

採擇錄之

一雜綴一門補全書之未備史事仍前無所增改惟紀聞或補或續而近日尤多事故爰採錄之其見於記載者各注書名於下

一兵燹以後邑人散處各方有應入人物各門及官職封典廕襲各條者屢經招報登錄其未報者似尙有人無從核實刊刻既定應從闕如

一康熙志於康熙二十二年付刊卽以本年爲止嘉慶志成於嘉慶八年紀載則以乾隆六十年爲止今依康熙志例凡有事實俱截至光緒五年付刊之日爲止後有舉報礙難登錄統俟將來修纂

丹徒縣志

凡例

七